

Name: Cr Rākena

Ward: Ngā Tai o Tokerau

Date: 27/2/23

Meetings Attended

Date	Meeting Topic	Comment
22/1/23	Kaikōrero ki te wānanga reo o Te Taumata ki Whangārei.	Nā te kāhui o Te Taumata mātou ngā Kaikaunihera o Te Tai Tokerau (TTT) i whakanui mā roto i tō rātou wānanga reo. Koni atu i te 250 ngā tāngata (Māori/Pākehā) i tae atu ki te wānanga ki ako i ngā tūwhai reo o te kāinga. Ka mutu, he hiahia nō rātou ki te whakarongo ki ngā mahi a te Kahika me ngā Kaikaunihera hei oranga mō te iwi Māori, ā, me pēhea hoki tātou e kōkiri tonu ki te pae o angitu.
29/1/23	Hui mate a Titewhai Harawira.	I tae atu ki Whakapara ki te whakatau i te tūpāpaku a Titewhai Harawira. I tū ai hei kanohi, hei kaikōrero mō te Kaunihera me te tautoko hoki i te whānau o Cr Halkyard-Harawira.
2/2/23	Karakia whakamaumahara ki St. Michaels.	Ko te rā whakamaumahara tēnei ki ngā hōia i hinga ki te pā o Pene Tauī me te tuku i ētahi taonga ki ngā mema o te karauna me te kāwanatanga. Ko te wāhanga tuarua tēnei o ngā rā whakamaumahara ki te pakanga i tū ki ngā whenua o Ngāti Rangī, te whakatuwhera i te whare karakia o St. Michaels me te whakanui i te whaea rangatira a Mihiwira.
2/2/23	Hui ki Waitangi	I hui ki ētahi o ngā tumu nō Te Tai Tokerau ki te wānanga mō ngā take o te kāinga, te motu, otirā me pēhea te kaunihera e mahi tahi ki ngā hapū me ngā iwi o te kāinga.
3/2/23	Pōwhiri mō Te Kāwana Tianara.	I peka atu ahau ki Waitangi ki te noho hei kanohi haukāinga ki te pōwhiri o Te Kāwana Tianara. I whai wāhi hoki ahau ki te kōrero ki a whaea Cindy mō ngā kaupapa o te kaunihera me ngā huarahi e oti ai ngā mahi hei painga mō ngā iwi katoa.
5/2/23	Te whakatuwheratanga o Pākinga.	He kaupapa tēnei nā te kāwanatanga me ngā hapū o Ngāti Ueoneone me Ngāti Tautahi. He huinga tuatahitanga tēnei nā runga i te whakahokitanga o ngā whenua Māori ki ngā hapū. I kite mārika ahau i te hari ki roto i ngā ngākau o te hunga i tae atu, ā, i rongu hoki i ētahi rautaki papai hei whai mā tātou katoa.
5/2/23	Te pōwhiri mō ngā mema o Te Whare Mīere.	Kua roa nei Te Kaunihera o Te Tai Tokerau e noho kuhu ana ki ngā kaupapa pēnei me tēnei, nō reira, i tae noa atu ahau ki te whakatinana i

		ngā ōhākī o rātou mā, kia noho hei kanohi haukāinga ki runga i te taumata o Ngāti Rāhiri, o Ngāti Kawa. I koa katoa ngā iwi ki te kite i ngā pū o te kaunihera e tautoko ana i ēnei tikanga Māori, tikanga tiaki manuhiri.
6/2/23	Te rā o Waitangi.	I tae atu ki ngā karakia o te ata ki te tautoko i tō tātou Kahika. I tū hoki a māua ko Cr Kleskovic hei kaikōrero ki te wānanga kei te whare o Te Tii marae.
8-27/2/23	Ko te toenga o ngā hui i tū ki te whare o te kaunihera.	Kei roto taku rātaka te toenga o ngā mai i te 8-27/2/23.

Community Matters

This section should be completed for matters arising within the community, which Council need to be aware of. It could be related to ongoing projects, requests, feedback etc.

Topic	Comment
Ngā āwhā.	I tuari atu ngā pānui me ngā kōrero whakatūpato i te wā o te āwhā nui. I peka hoki ki te tari ki te kōrero ki te Kahika me te whiriwhiri i ētahi mahi māku hei āwhina i ngā tāngata katoa o Te Tai Tokerau. Mīharo pai ngā mahi a ngā kaimahi nō Civil Defence, MetService me te kaunihera. Ka mutu, i konā katoa te Kahika me te Kōwhiri ki te hāpai ake i ngā tohutohu a ēnei kaimahi. Ahakoa i pāngia te āwhā nui ki ētahi, i rite tonu ō tātou hapori. Ka mutu, whakapau kaha tonu ana ngā kaimahi ki te toha i ngā taputapu, ngā kai me te aha atu ki ngā hapori e noho pōuri tonu ana.
Ngā rori.	E hia kē ngā imēra kua taka mai ki taku pūkoro nō ngā iwi e noho ana ki ngā rori puehu. E mātau ana rātou ki ngā mahi a te āwhā nui, erangi, kua roa nei rātou e whanga ana ki ngā mahi hei whakatika i ngā rori o ō rātou takiwā. Ka mutu, kua whakapā atu ahau ki ngā kaimahi o te kaunihera ki te wherawhera kei a wai rā te mana hei whakatutuki mārika i ngā mahi.
Te papa tākarō o Kaikohe.	Kua kōrero ahau ki ngā kaimahi o te kaunihera me ngā mema o te hapori mō tēnei take nui. E rapu rongoā tonu ana mātou ki te whakatū i ētahi taiapa hei tohu whakatūpato ki te hunga tūmatanui.
Kei roto i ngā hui kaunihera, te toenga o ngā take hapori.	Ngā awa, te roto o Ōmāpere, ngā moana, ngā rēti wai, ngā rēti whenua, Ōkahu, Moringaehe etc...

--	--

Portfolio Update: (Name of Portfolio)

- **Kua wāhi wānanga a māua ko Cr Vujcich, erangi kāhore anō māua kia tino whakatau i ētahi pae angitu mō tēnei tau.**

Matters for Discussion

This section should be completed for matters which the elected member wishes to raise with wider Council, Community Boards and/or in relation to delivery.

- E whanga tonu ana kia tae mai ngā māngai o Ventia, o Fulton & Hogan, a wai atu raini ki te kōrero mō o rātou mahi whakatika rori mō te takiwā.

Training / Conference Attendance

Name of Event: Te Kura Reo ki Whirinaki (kīhai ngā kaimahi o te kaunihera i whakaae kia utua e rātou taku nama ki tēnei wānanga).

Date of Event: 24/4/23

Learnings: Tikanga Māori, Te Reo Māori, Wānanga ki ngā ahikā o Te Tai Tokerau.

Value for the organisation: Kia whakaū i ngā tikanga, ngā whāinga, ngā uara me ngā hua mō te hunga Māori i raro i Te Tiriti o Waitangi. Ka hoki anō ki āku kōrero e mea ana, kua roa nei te kaunihera e kuhu ana ki ēnei mahi hei tuitui i te kaunihera ki ngā iwi Māori kua roa e mahue ana ki muri. Ki ahau nei, kāhore ētahi e whakapono ana ki ngā uara o te noho Māori ki ēnei wānanga hei painga mō te kaunihera.